



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bekerung H. Joannis Harennij

Haren, Jan

Cölln, 1586

VD16 ZV 7369

Vom Fegefewer.

urn:nbn:de:hbz:466:1-35563

Tractat/ den er gemacht hat *Hypognoſti-*
con genant/ im 3. Buch spricht er: Wir
 glauben vnd leren vngeweielt / das der
 Mensch seinen freyen willen habe. Der
 H. Cyprianus an Cornelium/ im ersten
 Buch/ Epist. 3. spricht: Der Herr Jes
 sus Christus sagt zu seinen jüngern/ Jo
 an. 6. Wollet ihr auch hinweg gehen?
 Dis gesetz haltē/ durch welches der mēsch
 in seiner freyheit gelassen wirt/ vnd über
 geben in seinen eigenen willen / den Tod
 oder die seligkeit zuerwelen. Origenes/
 S. Ambrosius/ Joānes Chrysoſtomus/
 Basilius/ Gregorius Nissenus / Theo
 philactus/ S. Bernardus / vnd andere
 Väter / auch / das mehr ist / die ganze
 heilige Schrifft / leren die Christen / das
 der Son Gottes durch seine wolthat
 vnd gehorsamkeit vns widerumb geben
 habe den freyen willen/der vns durch A
 dams sünde genommen war.

Vom Fegefeuer.

Das Fegefeuer ist von der Apostel zets
 ten her fur vnd fur vnter den Christē
 geleret/ vnd geglaubt worden. Der H. A
 postel

postel Paulus im 3. Cap. seiner ersten Epistel zu den Corinthern thut vom Fegewer meldung/ vñ redet von selig werdē/ gleich wie durch das Feuer. Der H. Ambrosius/ Augustinus/ Hieronymus/ Gregorius vnd andere alte Väter/ sagen also zusammen/ da sie dis stuck auslegen / das die jenigen / so nicht vollkommene vergessung ihrer sünde für ihrem absterben erlangt haben/ durchs Feuer gereinigt werden / ehe den sie zum Reich Gottes hinein gehen. S. Augustinus vber das erste Buch Moses / wider die Manicheer im andern Buch/ im 20. Cap. außdrucklich redend von diesem Feuer/ spricht/ das alle Menschen / so mit sünden befleckt sind/ sollen entweder durch auß verdampft / oder durchs Feuer der reinigung gefeget werden. Item im Achzehenden Buch von der Statt Gottes. Dasselbige bekennet auch der Heiliger Ambrosius/ vom absterben des Keyser Theodosij/ auch vber den Achzehenden Psalm.

Der Heiliger Chrysostomus
thut eine außdruckliche
Predigte das
von.

Vom